

14. maj 2014

UPA 2014/70
Anders Olsen

Pisortat ikiorsiissutaat pillugit Inatsisartut peqqussutaata allanngortinnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut, anguniarlugu sapaatip akunnerini sisamani mattussisoqartalernissaa, qinnuteqartoq imaluunniit pisortat ikiorsiissutaannik aningaasartuutitut aalajangersimasunut kiisalu aningaasartuutitut ataasiartakkanut pisartagalik pisimappat tunngavissaqanngitsunik soorlu Suliffissarsissusserup itigartinneqarnera kingorna Suliffissarsissunneqarnerup kingorna suliertunngitsoortoqarsimappat imaluunniit Suliffissarsissunneqartoq nammineq soraarsimappat imaluunniit suliffik tunniunneqartoq qimaannarneqarsimappat imaluunniit nammineq pisuussutiminik pisartagalik soraarsitaasimappat.

(Inatsisartunut ilaasortaq Andreas Uldum, Demokraatit)

Siumumiit tunngaviusumik isumarput tassaavoq kikkugalaruttaluunniit atorfissaqartinneqarluta naleqartutullu misigisimassagutta aammalu immitsinnut ilaquuttatsinnullu pilersuisinnaasagutta suliffissaqarnissarput politikikkut sapinngisamik isumannaarneqarlunilu aqutissiuunneqartuartaqarmat. Inuttut ataasiakkaattut ilaqtariittulluunniit toqqissisimasumik inuuneqarnissatsinni pingaaruteqartorujussuavoq inuiaqatigiinni atorfissaqartinneqarluta misigiuarnissarput.

Inuiattut Namminersorneq eqqussimavarput, Siumumilu isumaqarpugut innuttaasut amerlanerpaartaat tassaammata suliffimminnik ilinniarnerminnillu nakkutiginnilluartut. Taakkuuppullu nunatta maannamut angusimasaanut tunngavissiilluarsimasut.

Nunatsinnittaaq inuuniarnikkut ilisarnaatigaarput nammaqatigiinnermik ingerlaaseqarnek. Paasinnittaaserpullu malillugu nammaqatigiinneq tassaasariaqarpoq timikkut eqqarsartaatsikkullu peqqissut tamarmik ikioqatigiillutik nammaqatigiinnerat, imaanngitsoq eqjasuinnerit kisimik nammattuussasut. Taamaattumik inuiaqatigiinni kikkugalaruttaluunniit pisussaaffeqartariaqarpugut pisinnaatitaaffeqaannarata.

Angajoqqaattut perorsaanitsinni qitornatta nammineersinnaallutik suliffimmullu ataqqinnisuseqarlutik allanillu isumalluuteqaratik imminnullu ilaquuttaminnullu pilersuisussaasutut pisussaaffilerlugit perortinnissaat sulissutigiuartaqarparput.

Siumumiit miserratinagu oqaatigisinnaasarpugut tassaavoq inuiaqatigiinni ilaqaratta timikkut eqqarsartaatsikkullu peqqissuugalarlutik suliumassuseqanngitsunik. Inuiaqatigiinnilu

suliumangitsunik ilaqarnerput annertuumik inuiaqatigiinnut aningaasatigut nanertuutaasarmat isumaqatigiissutigisinnaavarput.

Siunnersuutigineqartut suliumangitsunut pillaasarnissaq ajornartorsiutip qaanger-nissaanut imminermini kisimi naammangitsoq Siumumi isumaqarpugut.

Pingaartutulli isumaqarfigaarput suliffissarsiortut ikiorsiissutinik tunioraannarnagit ikiorsiis-sutaanillu arsaartunngikkaluarlugit inuiaqatigiinni arlaatigut suliaqartussanngorlugit pisussaaffilersinnaasariaqaratsigit. Pisussaaffilersuinerummi ilaatigut kingunerisinnaavaa suliffissarsiortut atorfissaqartinneqartut iminnullu tatiginerulernerannik misigisima-lernerat.

Naggataatigut Siumumi isumaqarpugut sinerissami suliffissarsiuussisarfiit ullutsinnut naleqqussarlugit aaqqissuussiffigineqartariaqartut, tassami suliffissarsiortut naqitsikkiar-tuinnartarnejq allatigut aaqqillugu pisussaaffilersuinertalimmik aqqutissiuussisinnaa-nissarput ujartuiffigineqartariaqalerpoq.

Naalakkersuisut pisortanit ikiorsiissutit pillugut inatsisit annertuumik iluarsaateqqinne-qarnissaat pilersaarusiorgulu aallartissimammassuk Siumumiit nuannaarutigaarput, taa-maattumillu siunnersuutip massumap piareersaatinut ilanngunniarneqarmat aammattaaq nuannaarutigalugu.

Siumumiit taamatut oqaaseqarluta Naalakkersuisut inassuteqaataat ilaleratsigu matu-muuna nalunaarutigaarput.